

***Tarikh Dibaca: 19 Mei 2017M | 22 Syaaban 1438H***

# **KHUTBAH JUMAAT**

***Tajuk:***

***“GURU PEMBINA NEGARA BANGSA”***

***\*\*\****

***Terbitan:***

***Unit Khutbah***

***Bahagian Pengurusan Masjid***

***JABATAN AGAMA ISLAM SELANGOR***



## **SENARAI AHLI JAWATANKUASA KHUTBAH NEGERI SELANGOR 2017**

- 1. SS. Dato' Haji Haris Bin Kasim (Pengerusi)**  
**Pengarah Jabatan Agama Islam Selangor**
- 2. SS. Dr. Haji Anhar Bin Haji Opir (Ahli)**  
**Timbalan Mufti, Jabatan Mufti Negeri Selangor**
- 3. Tuan Haji Idris Bin Ramli (Setiausaha)**  
**Ketua Penolong Pengarah, Bahagian Pengurusan Masjid, JAIS**
- 4. Yg. Berbahagia Dr. Haji Osman Bin Haji Sabran (Ahli)**  
**Pensyarah, Universiti Selangor**
- 5. Dato' Haji Abdul Majid Bin Omar (Ahli)**  
**Ahli Jawatankuasa Fatwa Negeri Selangor**
- 6. Tuan Haji Hamid Bin Md Isa (Ahli)**  
**Pensyarah, Kolej Universiti Islam Selangor**
- 7. Tuan Haji Md. Sahari Bin Abdullah (Ahli)**  
**Ahli Jawatankuasa Fatwa Negeri Selangor**
- 8. Tuan Haji Abdul Halem Hapiz Bin Salihin (Ahli)**  
**Ketua Penolong Mufti (Fatwa), Jabatan Mufti Negeri Selangor**
- 9. Ustaz Muhammad Farhan Bin Wijaya (Ahli)**  
**Imam Besar Masjid Sultan Salahuddin Abdul Aziz Shah**
- 10. Ustaz Indera Shahril Bin Mohd Shahid (Ahli)**  
**Pegawai Majlis Agama Islam Selangor**
- 11. Ustaz Hairol Azmi Bin Khairudin (Urusetia)**  
**Penolong Pengarah Unit Khutbah, BPM, JAIS**



## “GURU PEMBINA NEGARA BANGSA”

الْحَمْدُ لِلَّهِ الْقَائِلِ: ... قُلْ هَلْ يَسْتَوِي الَّذِينَ يَعْلَمُونَ  
وَالَّذِينَ لَا يَعْلَمُونَ إِنَّمَا يَتَذَكَّرُ أُولَؤُلَا الْأَلْبَبِ<sup>1</sup>  
أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ وَأَشْهَدُ  
أَنَّ مُحَمَّدًا عَبْدُهُ وَرَسُولُهُ. اللَّهُمَّ صَلِّ وَسَلِّمْ عَلَى  
سَيِّدِنَا مُحَمَّدٍ وَعَلَىٰ آلِهِ وَاصْحَابِهِ أَجْمَعِينَ.  
أَمَّا بَعْدُ، فَيَا أَيُّهَا الْمُسْلِمُونَ! اتَّقُوا اللَّهَ، أُوصِيكُمْ  
وَإِيَّايَ بِتَقْوَى اللَّهِ فَقَدْ فَازَ الْمُتَّقُونَ. قَالَ اللَّهُ تَعَالَى:  
يَا أَيُّهَا الَّذِينَ ءَامَنُوا اتَّقُوا اللَّهَ حَقَّ تَقَاتِهِ وَلَا تَمُوتُنَّ إِلَّا  
وَأَنْتُمْ مُسْلِمُونَ.

**Muslimin yang dirahmati Allah sekalian,**

Di kesempatan berada pada hari Jumaat yang mulia ini, saya berpesan kepada diri saya dan sidang Jumaat sekalian, marilah sama-sama kita meningkatkan ketakwaan kepada Allah SWT dengan bersungguh-sungguh, melaksanakan segala perintah-Nya dan meninggalkan segala larangan-Nya.

Bersempena dengan sambutan Hari Guru pada setiap tahun, maka mimbar Jumaat pada hari ini akan menyampaikan khutbah yang bertajuk **“GURU PEMBINA NEGARA BANGSA”**.

<sup>1</sup> Az-Zumar ; 9



## **Hadirin Jumaat yang dirahmati Allah sekalian,**

Guru merupakan insan mulia yang gigih dan tabah, menyalakan obor keikhlasan untuk menerangi dunia pendidikan sejagat. Guru memiliki peranan dan fungsi yang sangat penting dalam membangunkan peradaban dan kemajuan sesebuah negara dan bangsa. Hal ini dapat dibuktikan berdasarkan nukilan Imam Ghazali dalam kitab 'Ihya Ulumuddin memetik nasihat Lukman Al-Hakim kepada anaknya supaya menghormati guru, katanya: *"Wahai anakku, pergaulilah para guru dan rapatilah mereka dengan kedua lututmu, kerana Allah Taala menghidupkan hati dengan nur (cahaya) hikmah, sebagaimana Allah menghidupkan bumi dengan hujan dari langit"*.

Sesungguhnya, jasa dan pengorbanan guru amat disanjung tinggi oleh segenap lapisan masyarakat, kerana bakti mereka yang menggunung, dalam mendidik anak-anak bangsa menjadi insan berilmu, dan berakhlak mulia. Bahkan sejak dahulu lagi, guru berusaha melahirkan generasi berpendidikan bagi membina sebuah negara maju, aman, dan makmur.

Untuk membuktikan betapa hebatnya guru, cuba kita renung peranan yang dimainkan oleh guru dalam persoalan berikut;

- i. Siapakah yang melahirkan seorang Raja yang adil dan pemimpin yang bijaksana? Jawapannya guru.
- ii. Siapakah yang melahirkan doktor, peguam, jurutera, arkitek, akauntan dan lain-lain profesion? Tidak lain adalah guru.
- iii. Siapakah yang melahirkan ulama tersohor dan pendakwah hebat? Ianya adalah guru.
- iv. Siapakah yang melahirkan professor? Juga adalah guru.

Begitulah hebatnya budi baik dan jasa guru yang perlu kita kenang.



Pulau pandan jauh ke tengah,  
Gunung daik bercabang tiga,  
Hancur badan dikandung tanah,  
Budi yang baik dikenang juga.

Ini bertepatan dengan firman Allah SWT dalam surah Al-Mujadalah ayat 11 yang meninggikan martabat seseorang yang berilmu;

...يَرْفَعُ اللَّهُ الَّذِينَ ءَامَنُوا مِنْكُمْ وَالَّذِينَ أُوتُوا الْعِلْمَ  
دَرَجَاتٍ ۚ وَاللَّهُ بِمَا تَعْمَلُونَ خَبِيرٌ ﴿١١﴾

“...Allah meninggikan darjat orang-orang Yang beriman di antara kamu, dan orang-orang Yang diberi ilmu pengetahuan ugama (dari kalangan kamu) - beberapa darjat. dan (ingatlah), Allah Maha mendalam pengetahuannya tentang apa Yang kamu lakukan”.

### **Muslimin sekalian,**

Dunia pendidikan hari ini dipenuhi dengan pelbagai cabaran untuk seorang yang bergelar guru. Dalam abad ini, guru berhadapan dengan pemikiran dan kebolehan murid yang pelbagai. Kini, murid lebih mahir tentang penggunaan pelbagai alat komunikasi canggih dan peralatan elektronik. Dengan itu, guru perlu memiliki kebolehan yang lebih baik, bagi memastikan murid menumpukan sepenuh perhatian, dan minat yang mendalam untuk belajar. Oleh itu guru wajar disanjung kerana guru adalah segala-galanya.

“Apabila pelajar sakit gurulah doktor dan jururawatnya, apabila pelajar berkelahi, gurulah pemutus keadilan sebagai peguam dan hakimnya, apabila pelajar mengadu tentang kerosakan peralatan sekolah,



gurulah tukang kayunya, apabila pelajar melaporkan perbuatan salah laku, gurulah penyiasat dan hakimnya, apabila pelajar sedih, maka gurulah penghibur, pelakon, penyanyi dan pelawak untuknya."

Inilah hakikat seorang guru yang bukan mengharapkan balasan dan belas ihsan, tetapi cukuplah sekadar memahami tugas dan cabarannya.

Namun hari ini, tindakan guru sering disalahtafsir oleh masyarakat dan direndahkan martabatnya hanya kerana menjalankan tanggungjawab sebagai seorang pendidik. Seharusnya isu ini dinilai dari sudut kemanusiaan secara menyeluruh, dan tidak bertindak secara melulu menyalahkan guru. Pernahkah kita mendengar tentang pelajar mengasari guru? Pelajar 'Kung Fu' guru? Bagaimana pula sudut pandang kita apabila ada ibu bapa yang menyerang guru kerana anaknya telah dirotan, akibat sikap anaknya sendiri?

Maka, adalah tidak adil untuk menghukum guru hanya dengan beberapa isu yang boleh diselesaikan. Hakikatnya, ini adalah tanggungjawab kita bersama bagi memastikan amanah yang dikurniakan oleh Allah SWT tidak dikhianati. Sesungguhnya anak dan pelajar ini merupakan ujian buat penjaganya. Firman Allah SWT dalam Surah al-Anfal, ayat 27 dan 28 :

يَا أَيُّهَا الَّذِينَ ءَامَنُوا لَا تَخُونُوا اللَّهَ وَالرَّسُولَ وَتَخُونُوا  
أَمْنَتَكُمْ وَأَنْتُمْ تَعْلَمُونَ ﴿٢٧﴾ وَأَعْلَمُوا أَنَّمَا أَمْوَالُكُمْ  
وَأَوْلَادُكُمْ فِتْنَةٌ وَأَنَّ اللَّهَ عِنْدَهُ أَجْرٌ عَظِيمٌ ﴿٢٨﴾

"Wahai orang-orang yang beriman! Janganlah kamu mengkhianati



*(amanah) Allah dan RasulNya, dan (janganlah) kamu mengkhianati amanah-amanah kamu, sedang kamu mengetahui (salahnya). Dan ketahuilah, bahawa harta benda kamu dan anak-anak kamu itu hanyalah menjadi ujian, dan sesungguhnya di sisi Allah jualah pahala yang besar".*

### **Hadirin yang berbahagia sekalian,**

Guru yang cemerlang perlu memikul amanah Allah SWT dengan sebaik-baiknya dan berhati-hati kerana usaha ini tidak berakhir di situ sahaja tetapi akan dipersoalkan di akhirat. Sekiranya ilmu yang disampaikan dapat mendidik jiwa ke arah kebaikan maka kebajikanlah untuknya, tetapi sekiranya ilmu yang disampaikan menyesatkan, maka tunggulah balasannya di akhirat nanti.

### **Para tetamu Allah sekalian,**

Guru yang cemerlang adalah guru yang memiliki ciri-ciri berikut;

#### **1. Guru berilmu pengetahuan luas,**

Ilmu yang dimiliki bukan sekadar menjadi suluhan diri sahaja, bahkan menyuluh hidup insan lain. Setiap pengetahuan dan kemahiran yang ada dicurahkan sepenuhnya ke arah melahirkan generasi pelapis yang bakal mencorak masa depan negara. Nilai ilmu seorang guru ibarat lautan yang luas saujana mata memandang, bak gunung tinggi melangit.

Ia merujuk kepada Falsafah Pendidikan Kebangsaan yang boleh difahami bahawa guru bertanggungjawab melahirkan warga Malaysia yang berilmu pengetahuan, berketrampilan, berakhlak mulia, bertanggungjawab dan berkeupayaan mencapai kesejahteraan diri, serta memberi sumbangan terhadap keharmonian, dan kemakmuran keluarga, masyarakat dan negara.

#### **2. Guru mestilah mempunyai keterampilan dan kemahiran tinggi,**



Guru yang berkemahiran tinggi boleh mengajar, mendidik serta menjadikan pelajar daripada keadaan yang tidak mengenal huruf, mengira dan membaca kepada celik huruf, bijak dan berjaya dalam kehidupan. Oleh itu, guru turut berhadapan pelbagai cabaran sebagai seorang pemudah cara, seorang pembangun negara dan seorang yang memberikan arah kepada orang yang bertanya.

3. Guru sebagai contoh terbaik (Qudwah Hasanah),

Seorang guru dilihat bukan sahaja memikul tanggungjawab menyampaikan ilmu kepada anak didiknya, bahkan lebih penting adalah untuk membina negara bangsa yang bersahsiah tinggi. Tugas tersebut amat berkait rapat dengan matlamat pendidikan yang menitikberatkan semangat patriotik, jati diri, dan perasaan cinta yang mendalam terhadap tanah air sendiri. Setiap tindakan dan tingkah laku guru sentiasa dilihat sebagai contoh teladan. Setiap apa yang dituturkan, sentiasa menjadi azimat dan pegangan buat bekalan dalam mengharungi cabaran hidup sepanjang zaman. Guru yang cemerlang juga sentiasa menjaga tingkahlaku dan maruah yang boleh mencemarkan profesion perguruan, menjaga integriti dan sentiasa prihatin dengan masalah murid.

Seorang penyair dari Mesir, Ahmad Syauqi mengatakan,

قُمْ لِلْمُعَلِّمِ وَفِيهِ التَّبَجِيلُ \* كَادَ الْمُعَلِّمُ أَنْ يَكُونَ رَسُولًا

*"Berilah penghormatan yang sewajarnya kepada guru, kerana kedudukannya hampir menyamai kedudukan seorang Rasul".*

**Sidang Jumaat yang dirahmati Allah SWT sekalian,**





Mengakhiri khutbah pada hari ini, mimbar ingin menyeru sidang Jumaat sekalian, untuk sama-sama menghayati intipati khutbah yang telah disampaikan:

1. Umat Islam hendaklah menghormati dan menghargai guru kerana guru adalah asset pembangunan peradaban dan kemajuan sesebuah Negara dan bangsa.
2. Ibu bapa dan masyarakat hendaklah berganding bahu dengan guru-guru dalam memartabat pendidikan demi membina sesebuah negara bangsa yang berkualiti.
3. Guru hendaklah sentiasa menjadi contoh terbaik atau Qudwah Hasanah kepada seluruh masyarakat.
4. Umat Islam hendaklah membantu guru dalam memikul tanggungjawab dan amanah mereka.

أَعُوذُ بِاللَّهِ مِنَ الشَّيْطَانِ الرَّجِيمِ  
قَالُوا سُبْحَانَكَ لَا عِلْمَ لَنَا إِلَّا مَا عَلَّمْتَنَا إِنَّكَ أَنْتَ الْعَلِيمُ

الْحَكِيمُ

*"Malaikat itu menjawab: "Maha suci Engkau (Ya Allah)! Kami tidak mempunyai pengetahuan selain dari apa Yang Engkau ajarkan kepada kami; Sesungguhnya Engkau jualah Yang Maha Mengetahui, lagi Maha Bijaksana".*

*(al-Baqarah ; 32).*



بَارَكَ اللَّهُ لِي وَلَكُمْ فِي الْقُرْآنِ الْعَظِيمِ،  
وَنَفَعَنِي وَإِيَّاكُمْ بِمَا فِيهِ مِنَ الْآيَاتِ وَالذِّكْرِ  
الْحَكِيمِ وَتَقَبَّلَ مِنِّي وَمِنْكُمْ تِلَاوَتَهُ، إِنَّهُ هُوَ  
السَّمِيعُ الْعَلِيمُ.

أَقُولُ قَوْلِي هَذَا وَأَسْتَغْفِرُ اللَّهَ الْعَظِيمَ لِي وَلَكُمْ  
وَلِسَائِرِ الْمُسْلِمِينَ وَالْمُسْلِمَاتِ، فَاسْتَغْفِرُوهُ إِنَّهُ  
هُوَ الْغَفُورُ الرَّحِيمُ.

\*\*\*\*\*

Hamidi/Nurul  
12.05.2017



## KHUTBAH KEDUA

الْحَمْدُ لِلَّهِ الَّذِي جَعَلَنَا مِنَ الْمُسْلِمِينَ، وَرَزَقَنَا مِنَ  
الطَّيِّبَاتِ. أَشْهَدُ أَنْ لَا إِلَهَ إِلَّا اللَّهُ وَحْدَهُ لَا  
شَرِيكَ لَهُ، وَأَشْهَدُ أَنَّ مُحَمَّدًا عَبْدُهُ وَرَسُولُهُ.  
اللَّهُمَّ صَلِّ وَسَلِّمْ وَبَارِكْ عَلَى سَيِّدِنَا مُحَمَّدٍ وَعَلَى  
آلِهِ وَصَحْبِهِ وَمَنْ تَبِعَهُمْ بِإِحْسَانٍ إِلَى يَوْمِ  
الدِّينِ. أَمَّا بَعْدُ، فَيَا عِبَادَ اللَّهِ، اتَّقُوا اللَّهَ،  
أَوْصِيَكُمْ وَإِيَّايَ بِتَقْوَى اللَّهِ فَقَدْ فَازَ الْمُتَّقُونَ.

**Sidang Jumaat yang dirahmati Allah SWT,**

Mimbar Jumaat sekali lagi berpesan supaya kita sentiasa bertakwa kepada Allah SWT dan menyedari bahawa Islam mengajar kita supaya bersikap sederhana dalam segala amalan. Kita amatlah dituntut agar menampilkan kemuliaan akhlak, sikap dan keperibadian tinggi kerana Rasulullah SAW diutus untuk menyempurnakan akhlak dan sebagai rahmat bagi seluruh umat dan sekalian alam. Oleh itu marilah kita sentiasa memperbanyakkan solawat dan salam ke atas Nabi kita Muhammad SAW. Firman Allah SWT:

إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ آمَنُوا  
صَلُّوا عَلَيْهِ وَسَلِّمُوا تَسْلِيمًا.



اَللّٰهُمَّ صَلِّ وَسَلِّمْ عَلٰى سَيِّدِنَا وَمَوْلَانَا مُحَمَّدٍ سَيِّدِ  
الرُّسُلَيْنِ وَارْضَ اللّٰهُمَّ عَنْ اَصْحَابِهِ وَقَرَابَتِهِ  
وَاَزْوَاجِهِ وَذُرِّيَّاتِهِ اَجْمَعِينَ.

اَللّٰهُمَّ اغْفِرْ لِلْمُسْلِمِيْنَ وَالْمُسْلِمَاتِ وَالْمُؤْمِنِيْنَ  
وَالْمُؤْمِنَاتِ الْاَحْيَاءِ مِنْهُمْ وَالْاَمْوَاتِ، اِنَّكَ سَمِيعٌ  
قَرِيبٌ مُّجِيبُ الدَّعَوَاتِ يَا قَاضِيَ الْحَاجَاتِ. اَللّٰهُمَّ  
اِنَّا نَسْأَلُكَ وَنَتَوَسَّلُ اِلَيْكَ بِنَبِيِّكَ الْاَمِينِ، وَنَسْأَلُكَ  
بِاسْمَائِكَ الْحُسْنٰى وَصِفَاتِكَ الْعُظْمٰى اَنْ تَحْفَظَ  
بِعَيْنِ عِنَايَتِكَ الرَّبَّانِيَّةِ وَبِحِفْظِ وَقَايَتِكَ  
الصِّمْدَانِيَّةِ، جَلَالَةَ مَلِكِنَا الْمُعْظَمِ سُلْطَانَ  
سَلَاطُور، سُلْطَانَ شَرْفِ الدِّينِ اَدْرِيسِ شَاهِ الْحَاجِ  
ابْنِ الْمَرْحُومِ سُلْطَانَ صَلَاحُ الدِّينِ عَبْدِ الْعَزِيزِ  
شَاهِ الْحَاجِ. اَللّٰهُمَّ اَدِمِ الْعَوْنَ وَالْهِدَايَةَ وَالتَّوْفِيقَ،  
وَالصِّحَّةَ وَالسَّلَامَةَ مِنْكَ، لَوْلِيَّ عَهْدِ سَلَاطُور،  
تَغْكُو اَمِيرِ شَاهِ ابْنِ السُّلْطَانَ شَرْفِ الدِّينِ اَدْرِيسِ  
شَاهِ الْحَاجِ فِي اَمْنٍ وَصَلَاحٍ وَعَافِيَةٍ بِمَنْكَ وَكَرَمِكَ



يَا ذَا الْجَلَالِ وَالْإِكْرَامِ. اَللّٰهُمَّ اَطْلُ عُمْرَهُمَا  
مُصْلِحَيْنِ لِلْمُوظَّفَيْنِ وَالرَّعِيَّةِ وَالْبِلَادِ، وَبَلِّغْ  
مَقاصِدَهُمَا لِطَرِيقِ الْهُدَى وَالرَّشَادِ.

Ya Allah, Engkaulah Tuhan yang Maha berkuasa, kami bersyukur kehadiran-Mu yang telah mengurniakan kami rahmat dan nikmat, sehingga kami dapat meneruskan usaha ke arah memperkukuhkan negara umat Islam, sebagai negeri yang maju, sejahtera dan berkebakikan dibawah naungan dan pimpinan raja kami sebagai ketua agama Islam di negeri ini.

Justeru kami pohon kehadiran-Mu ya Allah, tetapkanlah iman dan pegangan kami kepada Ahli Sunnah Wal-Jamaah, terimalah amalan soleh kami, suburkanlah jiwa kami dengan budi pekerti yang mulia, satukanlah hati-hati kami, kurniakanlah kami rezeki yang luas lagi barakah, kayakanlah kami dengan ilmu yang bermanfaat, lindungilah kami daripada bala bencana dan peliharalah kami daripada ajaran sesat seperti Syiah, Qadyani, dan lain-lain ajaran yang difatwakan menyeleweng dari ajaran Islam atau bertentangan dengan pegangan Ahli Sunnah Wal Jamaah. Ya Allah bukannya hati kami untuk mendirikan solat fardhu lima waktu, menunaikan zakat melalui Lembaga Zakat Selangor, mewakaf dan menginfaqkan harta melalui Perbadanan Wakaf Selangor dan Tabung Amanah Pembangunan Islam Selangor.



رَبَّنَا هَبْ لَنَا مِنْ أَزْوَاجِنَا وَذُرِّيَّاتِنَا قُرَّةَ أَعْيُنٍ  
وَأَجْعَلْنَا لِلْمُتَّقِينَ إِمَامًا. رَبَّنَا ءَاتِنَا فِي الدُّنْيَا  
حَسَنَةً وَفِي الْآخِرَةِ حَسَنَةً وَقِنَا عَذَابَ النَّارِ.

عِبَادَ اللَّهِ، إِنَّ اللَّهَ يَأْمُرُ بِالْعَدْلِ وَالْإِحْسَانِ وَإِيتَايَ  
ذِي الْقُرْبَىٰ وَيَنْهَىٰ عَنِ الْفَحْشَاءِ وَالْمُنْكَرِ  
وَالْبَغْيِ يَعِظُكُمْ لَعَلَّكُمْ تَذَكَّرُونَ ﴿٩٠﴾

فَاذْكُرُوا اللَّهَ الْعَظِيمَ يَذْكُرْكُمْ وَاشْكُرُوا لَهُ عَلَىٰ  
نِعْمِهِ يَزِدْكُمْ، وَاسْأَلُوهُ مِنْ فَضْلِهِ يُعْطِيكُمْ  
وَلَذِكْرُ اللَّهِ أَكْبَرُ وَاللَّهُ يَعْلَمُ مَا تَصْنَعُونَ.

\*\*\*\*\*